

## Il frutin, il cjanût e la gjatute

Il frutin e la gjatute,  
stan insieme par zuià,  
il cjanût te so covute  
invidiôs al sta a cucà.

La gjatute birichine  
si console intôr dal frût,  
lui content i dîs ninne  
ben slissànt il sò pelût.

O ce biele armonie  
o ce bièl viodi l'afièt,  
chel scambiâsi simpatie  
cun ne vore di rispiet.

Il cjanut cujet in scolte

## *Poesie e Racconti Friulani*

rabiosùt si mèt vuacà,  
la gjatute si rivolte  
e di corse ûl scjampà.

Spauride la gjatute  
come un falc va sù tun len,  
ben lassànt a bocje sute  
il frutin cun dût il bén.

Brute storie pè gjatute  
dut par colpe dal cjanut,  
chel furbeto la met dute  
par vé lui l'afièt dal frut.

Ma l'invidie .. cativerie  
cancelade ven dal dût,  
fasint fà la pâs interie  
cun la gjate e il cjanut.